

喉科紫珍全集

同治甲戌重鐫

喉科紫珍全集

板存河南藩庫廳宋官署
豫省聚文齋
子鋪刷印

人之身呼吸出入繫之於喉故
曰咽喉要地生死關焉近年來病
喉者甚多其中分寒熱虛實內發
外感而療治之法差以毫釐謬以
千里輕用刀鍼者以致遂隕其生真
可謂以人命為兒戲矣予甚感之奈
素不諳醫難參末議平日探索方

書及購求祕本皆不能明晰周詳
使患症者知病所由來并使醫者
悉病之治法適有友人珍藏喉症全
科上下二卷指症用藥縷晰條分
已令人一目了然尤復繪法圖載以
說委曲精詳真醫家之金鑑也惟
告其不及徧傳使患是症者因空壽

域爰不憚重貲付諸手民以便廣傳
而垂永久所冀習是業者手執一編
沈思玩味得其真詮不致有庸醫殺
人之誚此則予之所深幸也夫是
為序

因治甲戌仲夏三韓宗炘如考於大
梁省垣官解



前序

嘗謂吾人氣機呼吸在喉瞬息存亡之介亦在於喉喉之
係於人蓋甚重矣胡可令受病哉願病之由起於不遵衛
生者也或因熱毒蘊積胸膈口腹多嗜煎炒或膏粱厚味
飲酒過度不辭勞苦貪咬炙燂熱毒之物受鬱結之氣感
冒風雨濕熱內積疫火上蒸辛苦越格種種根源皆病之
所由以侵于喉其症有七十二種種種不同且如喉痺之
害有陰有陽而陰陽之狀不可不察紅腫外見者陽也悞
服辛熱之劑謂之以陽攻陽毒氣愈勝以其為出生入死

之路欲奏速效此必不可得之數也如舌生黃黑飲食阻
碍吞吐不利疼痛難忍不見紅腫陰也驟服寒涼尅伐反
致生瘕作燥謂之以陰尅陰其瘕愈甚致之於膏盲縱有
明驗百無一二矣此為醫者施治之大畧也且人之關鍵
惟咽喉乃出入之門其帝丁為主庸醫悞犯刀針人之受
死者多矣嘗聞每有吞吐不利等症誤認帝丁以作病根
或以刀針屢傷其命不知其症不識其形而以執刀為戲
若是之愚也喉症殊形異類治法多端當察其表裏虛實
起病日數表者散之裏者利之虛者益之實者瀉之須觀

病人之壯弱氣血盛衰天之四季究其根由對症用藥百
醫百中于斯道也思過半矣懼後學者不得其門而入爰
詳載症之所自起上列一圖下陳一論前列諸方後之人
思得其旨從而月以繼月日以繼日沉潛反覆按圖審症
揀方求治何患命之夭歿而古之良醫不幾于再生哉若
夫不審虛實擅用刀針概用涼劑不惟不效而反害之是
自蠹其生理也擅專門者慎之慎之

治喉十要歌

一針手足兩少陽。鮮血迸流命不傷。若是此症黃自水預。
知旦夕見危亡。

二從耳下頸腮中。謾把麻絲細刮紅。方用眉刀患處割。血
鮮多者不爲凶。

三針舌下兩青筋。血出鮮紅病體輕。黑塊成条終是死。胸
中結熱把痰清。

四般惡症曰懸癰。腫腭纏喉並鎖風。熱積風痰胸膈結。三
黃行下自疎通。

五內虛邪火上行欲教分散必須針少商曲池頰車穴男
左女右辨分明。

六用追風散去痰。痰如清水不多接連吹本秘寬胸結涼
膈追風及早啖。

七從頭尾可行針。切忌中間根上行鮮血多來休慮遠。黑
而少者不長生。

八刀割患要深知。麻藥先從患處吹。撐口中間鈎搭住。連
施刀法莫狐疑。

九行烙鉄要除根。炭火桐油一處焚。只待燒紅須細烙。連

將秘藥上安寧。

十全灸法灸風池。五狀原來甚得宜。再把煩車加幾壯。少商灸後曲池隨。

治喉秘法

夫咽喉之症。用藥須知緩急。行針貴識頭尾。如牙關緊急。通關散可吹。風毒痰壅。追風散當用。三黃涼膈散。有消毒降火之功。二陳荆防湯。有豁痰驅風之力。潰爛必資內托。收成全賴生肌。麻藥用之於未針之前。秘藥用之於既針之後。吹散如十葉碧雪。與本秘均藥同功。煎方如雙和濟。陰與膈胃涼湯並效。蘊藥敷之紅腫散。水藥卽開闕散服後鬱痰行。洗藥可以去舊生新。燠藥可以伐邪存正。清咽丸爲善後之妙法。紫瓊膏有益氣之神功。本秘吹之于痛時。刀

針用之于腫起。雙蛾。單蛾。生在咽門而圓小。無膿則吹本行針。有膿則挑破自愈。可服涼膈等湯。喉疔。花疔。形似靴釘而差長。先麻而鈎住刀割。卽烙而吹秘止痛。預嘗內托等劑。雙喉癰。單喉癰。平大而圓。耳下腮邊腫起。治同蛾子。藥亦無殊。而癰憑內托。左雀舌。右雀舌。形小而尖。喉舌癰。有痰。割類喉疔。方亦不異。但雀舌用三黃。鈿舌蓮花。靠牙邊而起五峯。中不可針。針宜旁穴。纏舌喉風。硬舌根而爛兩邊。藥不可煖。煖則難痊。死乳蛾核。活乳蛾核。日久長大。作痛無時。用刀細割一層。擦爛藥于其中。休吞及肚。吹秘。

藥一月。方可見功。用烙烙之。三黃可服。走馬疳。牙疳。喉疳。口疳。瘡毒。牙齦紫腫。臭穢不堪。必吹本秘生肌。午後年干。漱口。臉腫頭搖。咽乾音啞。身熱唇穿。落齒無血。俱爲不治。土茯苓末。自有奇能。喉單似蛾尖而長。宛若牛乳之狀。氣單似梅核而小。須行四十九針。回食單卽旬氣。生帝丁之旁。紅起當中。卽名梅核。吞之不下。吐之不出。因氣而生。梅核用針。而旬氣用刀刺。三黃十八俱皆用。二陳四七見收功。重舌一名鉤舌。可刺金津玉液。丁腫號曰懸丁。點秘服藥。清咽。死舌癰名木舌。堅硬不能展側。匝舌癰在兩邊。能

令舌短難說。刮苔吹用追風。瘡頭必須刀剔。初用三黃等劑。久將內托投之。白苔紫色猶堪治。黑刺生來魂魄離。紅白能言易治。黑腫短突難醫。兜腮瘡生腮下。外用金箍散。內服十八方。膿生火針刺。肉爛秘生肌。膿從口出者易治。膿出腮者難痊。啞舌有心而爛。珍珠滿口流涎。俱用三黃涼膈。間吹本秘宜然。飛瘍立時而起。喉痺傾刻而生。治此必先探吐。本秘刀刺何傷。鎖喉風牙關緊急。手足登開。先針四穴。以辨死生。次浴手足。以開脾胃。或刀或針。血去腫消。爲上策。纏喉風眼白而紫。項腫難言。角弓反張。命在須臾。

與而難保。探痰刺血。病根除。喉毬相牽似線。可服益氣疎
風。再用麝香調服。兼吹本秘。追風骨槽風如口噤。治之先
吐風痰。垂下五分灸七。清陽散火療之。舌下有泡。須用刺
青筋。膠涎隨卽出。或如鷄清。加味二陳湯。清熱如聖散。用
之皆效。喉中有息肉壅塞相層疊。枸橘湯。雄黃末。飲搽最
妙。出汗生瘡。腫黑生瘡。左右陰瘡。三般無異。金箍散。十八
方。敷服相當。氣瘡喉痺。酒毒喉痺。二者同途。金鎖匙。三黃
湯。吹飲卽愈。大凡吹藥。先吹本。下了刀針。用秘吹。餘腫不
消。用均末。刀口難完。上生肌。喉中氣穢。和中白。追取風痰。